

DEO OPTIMO MAX.

83.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS
manè discutienda in Scholis Medicorum, die Jovis sextâ
Martii M. DCC. XXXVIII.



M. HENRICO BESNIER,
Doctore Medico, Præsîde.

*An in Phlegmone curandâ repercutientibus resolventibusque
præferenda maturantia?*

I.

NATURAM Ducem in medendo sequere: hæc in iis quæ subito facienda promptior; in iis quæ prævidenda sagacior; in quoque peragendo negotio, aut in promptu habet, aut si deficit, linquentibus & organis quibus utitur, saltem quæ operanda, non solum tacitè sed explicitè demonstrat, & digito designat quibus remediis sublevari possit. Viden hæc naturæ miracula maxime in morborum judicationibus! Quot labyrinthi; tot viarum inextricabilium aditus patent. Incurrit morborum ilias? Plura succrescunt perfugia. Multa damna? Plures refarciendi rationes. Nascitur ex humore præternaturam labente tumor? Egrotanti sunt solatio curationis methodi multæ. Tumoris si spectetur causa continens, morbus est; si verò ad illud, quod talem causam immediatè produxerit, attenderis, symptoma est morbi cujusdam præcedentis: tumor itaque est quidem morbi judicatio, sed in alium morbum desinens. Pro humoris, partis, tempestatis, temperamenti, magnitudinis accidentium, causarum diversitate, diversa est tumorum species. Alius tumor à sanguine, alter à bile, vel à lymphâ vel ex quolibet alio humore: diversus est etiam tumor supra caput enatus, alter qui in abdomine, pectore, &c. gignitur; tempestatis diversitas tumorum ortu difficilem, vel facilem curatu facit; temperamentorum varietate variatur tumor, congestio enim bilis aut lymphæ dissimilem naturam producit tumorem in bino homine quorum alter est temperamenti calidi aut frigidi, alter verò temperamento sicco aut humido constat? Magni sunt & minimi tumores pro majori vel minori humoris ad partem appellentis quantitate, magni quidem ut phlegmone, bubo, parotis, œdema, scirrhus; mediocres & parvi, ut tubercula quædam, furunculi, nodi, &c. tandem minimi qui superficiem partis tantum afficiunt ut exanthemata, Epinyctides, Effere vel Sora, &c. Ab accidentibus ut à colore alii deprehenduntur alii rubri, &c. A consentientia molles vel duri; à sensu, dolorem pariunt, vel doloris sunt expertes: causæ etiam tumorum cum sint diversæ, duplex venit tumor; alius fluxu qui subito ferè occurrit, alter congestione id est insensibili materiæ præter-

A

2

labentis adventu, multo temporis spatio ducit originem: dicuntur etiam tumores critici qui sanitatem, symptomatici qui morbum procreant: tumorum diversæ causæ enumerantur, internæ scilicet & externæ; hæ sunt quidquid humorem fundere, ut calor, aut comprimere ut frigus, aut agitare ut motus, aut alterare ut ictus, vulnus, casus, confusio, &c. Illæ vero sunt partium intemperies & humorum diathesis. In tumore animadvertenda sunt, materia quæ manat, pars quæ mittit, spatium per quod excurrit humor, tandem pars quæ recipit & tumet; ex quibus diagnosticum & prognosticum clare patent.

I I.

P RIMA tumoris intentio curativa, materiæeductio cujus tres sunt modi, scilicet humoris defluentis percussio; ejusdem intus adventitii resolutio per insensilem transpirationem, & tandem materiæ extra vasa stagnantis evacuatio per apothematis apertionem. Percussione fit dum humorem partim fluentem aliò remittunt, partim impactum resolutioni sinunt, partique robur addunt topica medicamenta, quæ sunt non solummodo quæ fibras tendunt, aut absque astrictione refrigerant id est caloris compescunt æstum materiam increasando, vias intercipiendo, impediendo novæ materiæ affluxum. Plures sunt conditiones in tumoris curandi methodo adhibendæ; mutatio faciendâ pro tumoris & partis naturæ, &c. Quæ curandi quidem ratio ad humorem propius fluxurum quam ad eum qui jamjam tumorem efformat pertinere videtur; unde nascitur alia materiam educendi species, quæ foras eliminata ducitur: id assequimur dum partis tensæ relaxantur fibræ, dolor sedatur, aperiantur pori, materies in vaporem trahitur; tentatur resolutio topicis, quæ, nisi secundum magis aut minus non differunt in suâ operatione perficiendâ; quædam enim sunt mediocriter humida simul & calida, quorum usu cutis relaxatur & in auram exhalatur materia; quædam sunt minus humida simul & calidiora quorum usu jam humores mutati, halitu ex alto evocantur & in aerem avolant. Tertia quidem & ultima curandi ratio, quæ tutior est suppurationi audit, tutiorem viam elige, periculosa devita.

I I I.

A TQUI præstat curare *Pblegmonen* puris viâ sensili educatione: quanta quotque mala ex percussione, nec non (licet minus) ex resolutione proveniant perpendendum; quot verò bona ex suppuratione subsequantur observanda sunt; resolutio quidem lubenter amplexanda, sed heu quot errores occurrunt ineluctabiles, quot impedimenta curationis seriem incurrunt? Minuatur partis calor, materies immota manet; si ipsi insit nimia crassities usu adstringentium aut discutientium immodico, adhæret loco; si adsit inflammatio magna, aut transpirationis defectum, aut caloris extinctionem, aut materiæ malignitatem consequitur; si putris fiat humor, inde nascuntur fœtor, lividitas, sensus privatio; si humoris fiat recursus quantis periculis jacet obnoxius ægotans; si repente evanescat, delirii vel mortis prænuntium; si tumor fiat inæqualis, quæ curationis diversitas! In hæc parte suppurationis, in istâ vero restant dura latera; si criticè accidat, naturæ impetus salutaris prohibetur; si ab externâ causâ, ut frigore, unctione, contusione ducat originem, intus reducis quod extus est; si tumor parti principi vicinus, in hanc regeritur perniciofa materies; si partes nobiles sint infirmæ, earum virtus prostermitur; si pars affecta minori calore languet, refrigerantibus admotis prorsus extinguitur, aut nimio calidiorum usu restrictæ partis fibrillæ crispatæ rigent; si dolor adsit, vehementior inde sæpe sæpius evadit; si partis situs sit latior & corpus cacochymum aut plethoricum, peior fit sanguinis cacochymia; si repercutientibus quis utatur, aut tumor augetur aut prægrandior sit topicorum abusu; si tandem adsint extranea ut vermes, lapides, concreta quæque, quomodo foras avolabunt, aut intra securè tutò ju-

3
Undeque recurrent. Quidquid ergo in tumoris curatione agitur, metu plenum est utendi primâ & secundâ methodo, licet adsit caloris innati robur, partes integræ contentæ, & tumor materiæ malignitate careat; ad tertiam igitur curandi normam videlicet suppurationem recurrendum quoties tumor quâque parte deprehenditur.

I V.

ID obtineri licet si Medicamenta adhibeantur, quæ maturantia & pus generantia adiuvant quibus tumentes partes foveantur, earum nativus conservatur calor, imò & ad humorum delitescendum pepasimum augetur naturæ deficientis robur, quo puris formam adipiscitur materies; sunt enim temperate calida & humida & temperantes partis cui applicantur commoda; hinc sit ut pro partis, humoris, temperiei, temperatis varietate varia eligantur medicamenta plus minusvè emplastica, unctuosa, pingua, &c. qualia sunt oleum, butyrum, fermentum, puls, adeps, cæpæ coctæ, carica, malva, linum, stitax, unguenta, &c. & eorum mixtione aliud ab altero si caliditate, humiditate, &c. superetur, temperandum; nec veniunt huc loci cathartica, sed Sanguinis missio celebranda; imò nonnunquam sed raro & admodum, pertransennam ac semel, & tanquam sequiora remedia admittantur repercutientia resolventiavè, in quantum aut acutior febris; aut princeps, in quam fuit humor, pars; aut illius materies, quam ut à parte contineatur copiosior; aut tandem humoris lues Phlegmatica, quo in casu subito ferrum ignisque paginam adimplent. Antequam adaperiatur tumor, examinanda veniunt, puris in tumore contenti conditio, pars in quâ delitescit humor; signa puris confecti hæc sunt; doloris remissio; liquidum fluctuantis tactu sensatio; loci exterioris, sub quo pus latet, color pro diversâ tumoris naturâ peculiaris & proprius; tumoris non nihil circum circa immixtione; tensionis ac duritiei remissio (nisi temporis tractu, aut partis & puris natura, fiat Scirrhus Cancer, &c.) æger aliquam allevationem sentit; calor in tumoribus calidis immittitur, in mitioribus augetur; tumor in ea parte ubi collecta est materia in mucronem attollitur (exceptis genibus, & ossium quibusdam juncturis & ubique loci multæ sunt membranæ) si verò in altâ parte pus lateat aut crassum, glutinosum, lentum, aut tunicâ seu folliculo contentum sui jam existentis signa nulla sensibilia prodant, aut rationalia ex Medico tum diagnostica, tum prognostica signa recurrendum, qualia sunt aut febris absentia, aut ejusdem in alteram speciem immutatio, ejusvè remissio, incrementum; doloris, inflammationis, pulsationis cessatio; unde febris lenta, metastasis, alterius tumoris ortus, aut prioris instauratio ex puris ita recursuque. Parti cui insidet tumor studendum, num sit carnosa, nervosa, membranacea, glandulosa, omni vasorum genere stipata; ventris cujusdam amplioris, abdominis, pectoris, capitis, aut viscerum in quacumque capacitate contentorum vicina, continua, contiguavè. Tumoris species ac indoles non perfunctoriè sed graviter æstimanda. Num citius seriùsvè, ante vel post effectum pus, spontè vel arte, majori vel minori aut profundâ aut superficiariâ incisione aperendus tumor? In ejus loco eminentissimo, lanceolâ, declivi vero forcibus fiat operatio. Quàm attentè quam sollicitè præcaveri debent, quantum licet, hæmorrhagia ex vasorum apertione; dolor ex nervorum læsione; partis sensûs moriûsqve abolitio ex torâ aut transversâ musculorum rescissione; animi deliquium ex copiosiori materiæ educatione & timore quo ex fermentorum apparatu inopinatè percellitur ægotans. Resecanda ulceris labia; turundis abstinendum; unguentis, quæ vocant, digestivis, defensivis, suppurantibus utendum oportune; nec citius cicatrix coeunda.

V.

QUID miri si tumoris cujusque curatio proponatur materiæ viâ sensili educio? Nonne diaphoreos humor ad peripheriam appulsus ibi recentus aut retrogradus, morborum cohors. Nonne mors subita, apoplexia, paralysis, coma, febres,

4

fudore interrupto ; urina retenta, à facibus duris alvo constipata. Nonne redacta in laticem ex tumore humoris miasinata abominanda sunt. Si tumor, qui repercutitur aut resolvitur, naturæ judicium ; illaqueatur ipsa & impeditur quominus fiat liquidus depuratus, ejusque foras eliminetur illuvies ; si tumor, morbi symptoma ; quæ strages, quæ liquorum confusio, partis inflammatio, durities, insensibilitas ; unde prægrandis fit tumor, durus evadit scirrhusus, carcinoma, cancer, aut in sphacelum vertitur. Si corpus extraneum ut vermes, gypsum, lapides, sabulum aut alia id genus quomodo avolabunt resolutione, aut in sanguinem retrudentur si eligitur repercutio. Intentio aut indicatio medica, eadem quæ naturæ ipsa autem foras eliminat, aut saltem conatur foras ejicere, quam in tumorem efformavit materiem ; in operando sibi simillima, diversos toto cælo, pro subjeçti modo, loco, statu in quo laborat, producit effectus ; hinc in eodem cujusque humoris fonte, sanguine scilicet, quàm dissimiles nascuntur inter se tumores inflammatorii, quorum curatio varia quidem suppelleçtilibus & circumstantiis, re autem & effectis planè eadem : hinc in curandis phlegmonibus varia pro ægrotantis, temperiei, tempestatis, partis, cui inest tumor varietate admittentur medicamenta ; tumenti verò materiei exitus naturæ votum, conamen, finis.

Ergo in Phlegmone curandâ repercutientibus resolventibusque præferenda maturantia.

DOMINI DOCTORES DISPUTATURI

<i>M. Otto - Casimirus Baysek- necht.</i>	<i>M.) Joannes - Baptista - Ludo- vicus Chomet, Rei Herbariæ Professor.</i>	<i>M. Franciscus Pouffe.</i>
<i>M. Robertus Linguet.</i>	<i>M. Hyacinthus - Theodorus Ba- von, Scholarum Professor.</i>	<i>M. Bernardus Bertrand, Phay- macia Professor.</i>
<i>M. Achilles - Franciscus Fon- taine.</i>	<i>M. Ludovicus - Maria Pouffe.</i>	<i>M. Camillus Falconet, Salubris Consilii Regii Socius, & è Regiâ Numismatum Acade- miâ.</i>

Proponēbat Parisiis, CAROLUS DIONIS, Parisinus,
Baccalaureus Medicus, A. R. S. H. 1738,
à sextâ ad meridiem,